

MT halang pertandingan jawatan tertinggi bukan mengongkong demokrasi

# PM: Elak UMNO hancur

UM - 2 FEB 2000

Oleh MARZUKI YUSOFF  
dan ZULKIFLI JALIL

**S**EPANG 1 Feb. — Datuk Seri Dr. Mahathir Mohamad mengingatkan ahli-ahli UMNO keputusan Majlis Tertinggi (MT) menghalang pertandingan bagi kerusi tertinggi parti itu Mei depan adalah sebagai usaha menyelamatkan UMNO dari kehancuran.

Perdana Menteri menegaskan, pendirian MT itu juga bukan berhasrat mengongkong demokrasi dalam parti dan bersifat antireformasi, tetapi UMNO sudah melalui pengalaman pahit apabila berlaku pertandingan merebut jawatan dalam parti.

Beliau bercakap pada sidang akhbar sejurus tiba di Lapangan Terbang Antarabangsa Kuala Lumpur (KLIA) di sini lewat petang ini setelah menghabiskan cuti sambil bekerja hampir tiga minggu di luar negara.

"Kita bukan berhasrat mengongkong kerana kita pernah mengalami pengalaman pahit. Setiap kali ada pertandingan, perpecahan serius di kalangan pemimpin dan ahli akan berlaku," katanya.

Dr. Mahathir berkata demikian ketika diminta mengulas kehairahan semakin ramai pemimpin UMNO yang ingin bertanding merebut jawatan penting parti pada pemilihan Mei depan.

## Pengalaman

Malah ada tokoh-tokoh tertentu dalam UMNO yang tidak bersetuju dengan keputusan MT yang menghalang sebarang pertandingan merebut kerusi nombor satu dan dua dalam parti.

Mengenai adanya suara di peringkat akar umbi UMNO yang mahukan demokrasi dalam parti, Presiden UMNO itu menjelaskan, MT bukannya antireformasi.

Bagaimanapun kata beliau, apa gunanya reformasi jika akhirnya UMNO akan mengalami kehancuran dan kehilangan pengaruh dalam politik negara ini.

Perdana Menteri berkata, beliau juga menghormati sekiranya ada reformasi dalam parti tetapi pengalaman lalu menunjukkan ada pemimpin yang bertanding berakhir dengan kekecewaan dan sukar menerima kekalahan.

Mengulas sama ada wajar MT mengeluarkan kod etika pemilihan sedangkan UMNO sudah mempunyai perlembagaan, beliau menegaskan:

"Kalau mereka ikut perlembagaan tak apa. Tetapi apabila sudah kalah, kecewa, malah ada yang sanggup keluar parti dan tubuh atau menyokong parti lain.

"Begitu juga di peringkat bahagian. Apabila tidak dicalonkan pada pilihan raya, ada yang menjadi pembelot dan menyokong parti lawan.

Menurut Dr. Mahathir tidak mungkin parti lawan menang dengan undi anggo-

■ Lihat muka 4